



**M**edardus apud Francos insigni pietate & eruditiōe præditus fuit, anno Christi quingentesimo uicesimo, cum rex Clodoueus Galliam subegisset, & cum sua gente Christianam religionem suscepisset, id quod Medardus ex animo cupiuerat, & pro sua uirili promouerat. Itaq; Episcopus Veromandensis constitutus fuit. Is a deo sanctitate pollebat, ut Dei iudicio fures, qui in sua uinea & horto noctu grassati erant, mirando modo absens senserit, & cohibuerit, ne discedere possent, donec ipse coram eos reprehenderet, & obiurgatos dimitteret. Vnde multo maiorem existimationem innocentiae nactus, sua præ-

dicazione multos ad Christi religionem perduxit. Tandem is sub rege Clotario Clodouei filio discessit, & Suesione sepultus fuit. Theoph. Leb. in Onomast. Theolog.